

venas pectotales communicatur cordi, idque inficit & extinguit, quemadmodum ex Cleopatræ casu constat, quæ viperas mammis *Theophilus in turba meminis draconie mulieri junci.* admovit, cùm voluntariâ morte præveniri voluerit, ne viva in vi-ctorum manus ac triumphos traheretur. Verùm ne quis Philo-sophos adeò crudeles existimet, quasi mulieri venenolum reptile admoveri jubeant, sciendum hunc bufonem esse ejusdem fœminæ foetum seu filium, monstroso partu editum, ideóque jure naturali, lacte materno frui & ali debere, quod verò mater moriatur, non est in voluntate filii: Nec enim fratrem inficere potuit, qui in visceribus ejus concretus, & ex sanguine augmentatus fuerat usque ad partum. Ominosum sanè quid est, bufonem ex muliere nasci, quod alias contigisse novimus: Guilielmus Novobrigensis, Anglicus scrip-tor, in suis commentariis scribit (quam fideliter, alii judicent) in lapicidina quadam ditionis Vintoniensis Episcopi, cùm lapis qui-dam magnus divideretur, intus inventum bufonem vivum cum aurea cathena, eumque ex Episcopi jussu eodem loci reconditum & perpetuis tenebris immersum, ne quid mali ominis secum porta-ret: Talis est & hic bufo: Auro enim insignis est, etiam si non extrinsecus, artificiali cathenæ opere, tamen intrinsecus naturali, nempe lapidis, quem alii Boracem, Chelonitin, Batrachiten, Crapaudinam aut garatronium vocant. Hic enim auro longè prævalet vir-tute contra venena quæcumque animalium, & auro inferi solet, tan-quam thecæ aut coopertorio, ne lædatur aut perdatur. At legitimū esse oportet ex animali petitum, si verò ex subterraneis fossis, ut solet, de promptus lapis ejus formâ concinnetur, & vice usurpetur, ex optimis mineris, cordi subvenientibus, eligatur: In his enim bufo Philosophicus reverà invenitur, non in lapicidina (ut ille fabulator asserit) aurūmque in se habet, non extra ad pompam: Ad quid enim se ornaret bufo in tenebris & claustris delitescens? Forte ut à scara-bæo magnificè salutaretur, si in crepusculo illi obvius incederet? Quis aurifaber subterraneus fabricasset illi auream cathenā? Fortè viridium puerorum pater, qui ex terra S. Martini, imò ex ipsa terra, ut & duo canes ex lapicidina, eodem authore, prodierunt?

Sahit